

15. Maj 2017

Inatsisartut suleriaasianni § 33 naappertorlugu Inatsisartut aalajangiiffigisassaattut siunnersuut imaattoq saqqumiuppara: Nuummi inissimasussamik Nunatta inuiattut timersornikkut unammersuarterfissaannik pilersaarutip FIFA-p piumasaqaataanut naapertuuttumut aningaasalersorneqarnissaannut periarfissanik misuissuisussamik suleqatigiisitamik pilersitseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anders Olsen, Siumut)

Inatsisartunut ilaasortap Anders Olsen Siumut Naalackersuisut peqquneqarnissaannik Inatsisartut aalajangiiffigisassaattut siunnersuutaanut Siumumiik imaattumik oqaaseqassuugut.

Siunnersuuteqartup nammineerluni tunngavilersuutigisamini oqaatigisaatuut nunatta nammineerluni timersornikkut inuiattut unammersuarterfissamik qulisamik pilersitsinissamik siunertaqartumik Naalackersuisut peqquneqarnermik kinguneranik pilersaarummik imaqarluartumik inatsisartuni ilaasortanut agguaassaqqarpoq.

Nalunaarusiaq sukumiisorujussuuvoq oqaatigisariaqarluni nunarsuatsinni arsaattartut kattuffissuata FIFA-p piumasaqaataanut uniuutinngilluinnartumik suliaalluni.

Nunatta assigiinngittutigit nunani allani ilisarisimaneqarnerulernissaa aammali allarpassuit assigalugit ineriartornissaq siunertaralugu nalunaarusiortitsisarnerit ingerlanneqartarput. Siunnersuummullu uunga tunngatillugu nalunaarusiornerinnaassanngippat ingerlariaqqinnissaq siunertaralugu aningaasalersuinissamut suleqatigiisitamik pilersitsilluni misissuisoqarnissaa assorujussuaq Siumumiik tapersorsorsatigit oqaatigissuarput.

Ukiorparujussuunngittut matuma siorna eqqaamavarput Savalimmormiut Island-imiullu pingaartumik isikkamik arsaanneq eqqarsaatigalugu naligisorujussuungut. Uangullu nunatsinni atugasarititaasutigit nikeriarnikuunnginnatta siuariarujussuuartutut oqaatigineqarsinnaanngilagut.

Tamanna uggornaqaaq, ilami ukiut arlaqanngittunnguit matuma siorna ivigaasanik qallikkanik illoqarfinni arlaqartuni sanasoqarnissaannik manna aqqutigalugu siunnersuuteqartoqaraluarpat Siumumiik tapersersuingaaraluartugut amerlanerussuteqartuniik itigartinneqqarpoq. Taannaannarluunniit akuerineqarsimasuuppat qularnanngilluinnartumik isikkamik arsaannikkut siuariarneq annertoq pisimassagaluarpat.

Qujanaqaarlu Kommuunit tamarmik ivigaasanik qallikkanik arsaattarfittaarnissamik siunertaqarluatik aningaasaliissuteqarmata aammalu Qeqertarsuarmi namminerisamik aningaasaliissuteqartoqarneratigit ukioq kingulleq innuttaasut suleqataalluarnerisigit peqalereemata.

Ivigaasanik qallikkanik arsaattarfittaartorneq sorpassuartigit sunniuteqassooq. Piginnaasatigit siuariartornerinnakuunngittoq, aammali ujaraqqani/sioqqani manngertorsuarmi arsaannermi ajoqu-

sernerit minneerangortussaapput ilaatigut timersortumut namminermt ajoraluartumik aningaa-sarpassuarnik naleqarsinnaasartumik.

Siunnersuuteqartup Inatsisartuni ilaasortap Anders Olsen-ip suli annerusumik siuariartuutaasumillu siumungaaq isigaluni siunnersuutaa tassaasussaavoq nunani allani timersortartunut qimataavallaa-rani siuariartornissaq.

Nalunaarusiaq maleqqissaarlugu inuiattut timersornikkut unammersuarfittaarnissamik imalik mi-lliunerpassuarnik naleqartinneqarpoq. Siumumiilli isumaqarpugut FIFA-p akuerisaanik inuiattut isikkamik arsaalluni unammersuarfiusinnaasumik pileritsiniarluni suleqatigiisitaliornikkut aningaa-sat taamannak amerlatigisut nassariniarneqartariaqanngittut. Isumarput malillugu aallaqqaammut arsaattarfik qulisaq FIFA-p akuerisaa siulliullugu pilersinniarneqarsinnaavoq kingornalu ineriartuu-taasinnaasut allat malinnaatinneqarlutik pilersikkiartuaarneqarlutik.

Taamatut oqaaseqarluta siunnersuut Siumumiik taperserlutigu taamatut iskkkoqarluni akuersissu-tigineqarnissaa inassutigaarput.

Jess Svane
Siumut